

գեալ՝ գեկեղեցւոյ հաւատոս հաստատէր, և ձգէր զքարոզութիւն Աւետարանին յաշխարհն Ուտէացւոց, և յԱղուանս և 'ի Լփինս, և ի Կասպս և ի դուռն Չորայ և յայլ ազգի ազգիսն, զոր գերութեամբն էր ամեալ Աղէքսանդրի Մակեդոնացւոյ և նստուցեալ զմեծ լերամբն Կովկասու գիարգառան և զԿամիճիկ չեփթաղսն դարձուցանիլ ի հաւատոս, զկարգ Աստուծապաշտութեան ուսուցանէր, զոր ի վաղնչուց ուսեալն էին և մոռացեալ, և բոլորովին քարոզ և առաքեալ խուժադուժ սարոտանեացն լինելով՝ ըստ նոցին բառբառոյ դպրութեան առնէր զնոսա ծանօթս: Եւ անտի դարձեալ ի մօրսն երթեալ բնակէր, զօղեալ ի սպառնալեաց զժնդակ իշխանացն: Եւ անդ յանտառան ծածկեալ՝ օր ըստ օրէ հաստատէր գեկեղեցիսն Աստուծոյ: Անդէն ոգի մոլորութեան զրգուէր զմիտս զազանացեալ բռնակալացն՝ զայրագնեալ նոցա և փոյթ կալեալ ի սպանանել զնա: Իսկ երանելոյն Մաշտոցի ի չոզուոյն սրբոյ ազդեալ՝ փութացեալ փորէր փոս մի ըստ պիտոյից գործոյն և զԱստուածային առեալ զանձ, որէ Խաչն Տէրունեան եղեալ ի տապանի ծածկէր ի գետնափոր կայանին: Եւ այնուհետեւ հաւատարիմ և զուգակրօն աշակերտքն միաբան յաղօթս և խնդրուածս ապաւինեալ ի միմեանց կամաւ յերկուս բաժանէին ջոկս, կէսք ի կողմանս զաւառացն ելեալ խորհէին, և կիսոցն բազում աշխարհս հատեալ անցեալ քարոզէին զհաւատոս:

Բայց մնացեալ զամս ի տեղւոջ կայանի Խաչին յետ սակաւ ինչ աւուրց զմարտիրոսական առնոյր պսակ, յորոց նահատակութեանց տեղւոջ նշանք լուսեղէնք և հրաշալի սքանչելիք երևեալ, զոր տեսեալ բազում անգամ անհաւատից, և ուսեալ թէ մեծին Աստուծոյ է այն նշան՝ հաւատային միաբան և մրկրտէին առ հասարակ: Իսկ մի ոմն ի նորահաւատից, որ բազում անգամ տեսեալ էր զնշանն զայն ի վերայ գետնափոր կայանի Խաչին՝ շինէ մատուռն մի հոգեղէն չորեք կուսի և տապան տախտակամած արարեալ՝ ամփոփէր զնշխարս նոցա ի տապանի անդ և ամ յամէ ուխտաւորեալ կատարէր զյիշատակս նոցա, և յոլովից լինէր բժշկութիւն ի տեղւոջն, յորս հաստատեալ նուաճեցան հաւատացեալքն: Եւ նախ անդ եղեալ հիմու-